

Uzimajući u obzir Regionalnu konvenciju o pan-evro-mediteranskim preferencijalnim pravilima o porijeklu robe¹, a posebno njen član 4. stav 3. tačka (a),

budući da:

(1) Početkom 2020. godine Evropska komisija je obavijestila ugovorne strane Regionalne konvencije o pan-evro-mediteranskim preferencijalnim pravilima o porijeklu robe ("Konvencija") da su zbog pandemije COVID-19 koja je obustavila kontakte između carinskih tijela i privrednih subjekata u određenom broju ugovornih strana, većina ugovornih strana nije mogla da obezbjedi uvjerenja o kretanju robe za potrebe preferencijalnog porijekla u propisanoj formi, naime vlastoručno potpisane, ovjerene carinskim pečatom vlažnom tintom ili korištenjem pravilnog formata papira.

(2) Velika većina ugovornih strana smatrala je prikladnim donijeti vanredne mjere kako bi se osiguralo puno provođenje preferencijalnih trgovinskih aranžmana obuhvaćenih Konvencijom. Te vanredne mjere primjenjivale su na recipročnoj osnovi zainteresirane ugovorne strane koje su koristile relevantne odredbe u pravilima o porijeklu.

(3) Tokom pandemije COVID-19, neke ugovorne strane su razvile ili prilagodile postojeće elektronske sisteme za elektronsko izdavanje uvjerenja kako bi uravnotežile potrebu za fleksibilnošću i potrebu za usklađenošću sa zahtjevima o formatu uvjerenja o kretanju robe opisanih u Prilogu I Konvencije.

(4) Carinska tijela ugovornih strana pozvana su da prihvate uvjerenja o kretanju robe za potrebe preferencijalnog porijekla, izdata elektronskim putem s digitalnim potpisom, pečatom ili žigom nadležnih tijela, ili kopiju u papirnom ili elektronskom obliku (skeniranu ili dostupnu online) na osnovu fleksibilnosti predviđenoj u članu 24. Priloga I Konvencije.

(5) Zajednički odbor obaviješten je o zahtjevu jedne ugovorne strane, u toku sastanka održanog 16. juna 2022. godine, da se zadrže dobre prakse uvedene u okviru vanrednih mjera usvojenih u toku pandemije COVID-19 kako bi privredni subjekti imali koristi od digitalizacije uvjerenja o kretanju robe.

(6) Ugovorne strane prepoznale su da je iskustvo u korištenju uvjerenja o kretanju robe izdatih elektronskim putem u preferencijalnoj trgovini u okviru vanrednih mjera donesenih zbog pandemije COVID-19 bilo pozitivno i obavezale su se nastaviti s dobrim praksama uvedenim u okviru takvih vanrednih mjera radeći zajedno na uvođenju zajedničkog sistema zasnovanog na elektronskim dokazima o porijeklu i elektronskoj administrativnoj saradnji unutar pan-evro-mediteranske zone.

(7) Ugovorne strane smatraju da prelazak na sistem koji elektronskim putem izdaje uvjerenja o kretanju robe i osigurava elektronsku administrativnu saradnju u okviru Konvencije predstavlja prve korake prema potpunoj digitalizaciji dokaza o porijeklu na nivou PEM zone, posebno u pogledu predstojećeg stupanja na snagu izmjena i dopuna Konvencije Odlukom Zajedničkog odbora br. 1/2023².

ODLUKA br. 1/2024
ZAJEDNIČKOG ODBORA REGIONALNE
KONVENCIJE O PAN-EVRO-MEDITERANSKIM
PREFERENCIJALNIM PRAVILIMA O PORIJEKLU
ROBE

od 12. decembra 2024. godine
o izmjenama i dopunama Odluke br. 1/2023 Zajedničkog
odbora u pogledu upotrebe uvjerenja o kretanju robe
izdatih elektronskim putem u okviru Konvencije koja će se
primjenjivati od 1. januara 2025. godine

ZAJEDNIČKI ODBOR,

¹ Službeni list Evropske unije, broj L 54, 26.2.2013., str. 4.

² Odluka br. 1/2023 Zajedničkog odbora Regionalne konvencije o pan-evro-mediteranskim preferencijalnim pravilima o porijeklu robe od 7. decembra 2023. godine o izmjenama i dopunama Regionalne konvencije o pan-evro-mediteranskim preferencijalnim pravilima o porijeklu robe (Službeni list Evropske unije broj L 2024/390, 19.2.2024., ELI: <http://data.europa.eu/eli/dec/2024/390/oj>).

(8) Sistemi dizajnirani za elektronsko izdavanje uvjerenja o kretanju robe trebali bi carinskim tijelima ugovornih strana omogućiti trenutnu provjeru njihove vjerodostojnosti.

(9) Dana 7. decembra 2023. godine Zajednički odbor usvojio je Preporuku br. 1/2023¹ o upotrebi uvjerenja o kretanju robe izdatih elektronskim putem u okviru Konvencije. Kako bi se osigurao jasan pravni okvir i osigurala dosljednost u korištenju elektronskih uvjerenja u kontekstu prelaza s trenutnih pravila Konvencije na revidirana pravila Konvencije, koja će stupiti na snagu 1. januara 2025. godine, Odluku br. 1/2023 bi stoga trebalo izmijeniti i dopuniti kako bi se omogućilo ugrađivanje općih zahtjeva o dokazima o porijeklu izdatim elektronskim putem u revidirana pravila Konvencije,

DONIO JE OVU ODLUKU:

Član 1.

1. Odluka br. 1/2023 mijenja se i dopunjuje kako je navedeno u Aneksu ove Odluke.

2. Izmjene i dopune Odluke br. 1/2023 stupaju na snagu 1. januara 2025. godine.

Član 2.

Ova odluka stupa na snagu danom donošenja.

Sačinjeno u Briselu, 12. decembra 2024. godine.

Za Zajednički odbor

Predsjedavajuća

Maria Isabel Garcia Catalan

ANEKS

Jedini član

Izmjene i dopune Odluke br. 1/2023 Zajedničkog odbora Regionalne konvencije o pan-evro-mediteranskim preferencijalnim pravilima o porijeklu robe

U tački 5. jedinog člana Aneksa Odluke br. 1/2023, stav 4. član 17. Priloga I Regionalnoj konvenciji o pan-euro-mediteranskim preferencijalnim pravilima o porijeklu robe zamjenjuje se sljedećim:

"4. Za potrebe stava 1., dvije ili više ugovornih strana mogu se dogovoriti o uspostavljanju sistema koji omogućava da se dokazi o porijeklu navedeni u stavu 1. izdaju elektronskim i/ili podnose elektronskim putem.

Dok se takav sistem ne uspostavi, ugovorne strane će prihvatati uvjerenja o kretanju robe izdata elektronskim putem kada su podnesena pri uvozu, pod uvjetom da:

(a) uvjerenja o kretanju robe izdata elektronskim putem su zasnovana na uzorku sadržanom u Aneksu IV;

(b) carinska tijela ugovorne strane izvoznice osiguraju siguran online internetski sistem za provjeru vjerodostojnosti uvjerenja o kretanju robe koja su izdata elektronskim putem;

(c) elektronskim putem izdata uvjerenja o kretanju robe imaju jedinstveni serijski broj i, ako postoje, sigurnosne karakteristike po kojima ih je moguće identificirati; i

(d) datum od kojeg ugovorna strana počinje izdavati elektronska uvjerenja o kretanju robe je naveden u objavljenim obavijestima u Službenom listu Evropske unije (serija C) i prema vlastitim procedurama ugovornih strana.

Ugovorna strana može odlučiti da suspendira prihvaćanje uvjerenja o kretanju robe izdatih elektronskim putem ako gore

navedeni uvjeti nisu ispunjeni i u tom slučaju će o tome unaprijed obavijestiti druge ugovorne strane putem Sekretarijata Zajedničkog odbora. U slučaju suspenzije, u obavještenju iz tačke (d) se navodi datum početka suspenzije."

¹ Preporuka br. 1/2023 Zajedničkog odbora Regionalne konvencije o pan-evro-mediteranskim preferencijalnim pravilima o porijeklu robe od 7. decembra 2023. godine o upotrebi uvjerenja o kretanju robe izdatih elektronskim putem (Službeni list Evropske unije broj L 2024/243, 15.1.2024., ELI: <http://data.europa.eu/eli/reco/2024/243/oj>).

² Službeni list Evropske unije, broj L 54, 26.2.2013., str. 4.

³ Službeni list Evropske unije, broj L 2024/390, 19.2.2024, ELI: <https://eur-lex.europa.eu/eli/dec/2024/390/oj>.